



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. V. De lapsu temporis ad Legis obligationem requisiti.

urn:nbn:de:hbz:466:1-40673

vis, Facite, vel Faciant, Solvant, &c.: Sed in his standum consuetudini locorum, vel attendenda est materia, itaut si sit gravis, importent præceptum, secus vero confilium. Nam si vellet Superior præcipere, uteretur verbis fortioribus.

Dubitatur demum, an quando Superior utitur verbis præceptivis, semper velit præcipere sub mortali? Aliqui docent in Jure Canonico præceptum semper esse sub gravi, secus in Jure Civili; Et probant, quia in Clement. *Exivi, De Verbor. significat.* declarat Pontifex, regulas Divi Francisci obligare sub mortali, ubi in iis habentur verba præceptiva. Sed communius docent, quod in materia gravi præsumendum sit Superiorum velle sub gravi præcipere, in levi sub levi; quia præsumendum est, quod velit se materiis rerum accommodare. Alii tamen apud Sanch. putant, quod Legislator non præcipiat sub gravi materiam gravem, nisi id explicit verbis clare experimentibus obligacionem gravem: Quare licet dicat, sub præcepto injungimus, poterit aliquando his verbis significari obligatio sub levi, quia potest etiam aliquid præcipi sub levi.

ARTICULUS V.

De lapsu temporis ad legis obligationem requisiti.

- I. *Leges non obligare, nisi post duos menses a promulgatione in singulis Provinciis, non pauci docuerunt.*
- II. *At leges Pontificias post promulgationem factam in Curia Romana statim obligare, docent communius.*
- III. *Requiritur tamen aliquod tempus prudentium iudicio statuendum, ut novæ legis notitia ad Communitem perveniat, & tunc omnes obliget.*

- IV. *Ecclesia leges civiles admittit, ubi nec rationi, nec Legibus Canonicis adversantur.*
- V. *Non solum pro foro externo, sed nec pro interno leges obligant ante lapsum sive duorum mensium a promulgatione, sive alterius temporis congrui.*
- VI. *Idque verum est etiam de legibus aliquem contractum irritantibus.*
- VII. *Necnon de legibus revocatoritis Privilegiorum. Quod extenditur ad revocationes Procuratorum, quorum gesta (dempto Matrimonio) valida sunt, donec revocatio iis innotuerit.*
- VIII. *Si de novo aliquis casus reservetur, absolutio collata ex ignorantia talis reservationis est invalida.*
- IX. *Sicut privilegii revocatio debet innotescere persona privilegiata, ut habeat effectum suum, ita pariter concessio privilegii.*
- X. *Privilegium Communitali concessum, si huic innoescat, validum est etiam relate ad personam particularem ignorantem illud.*

- I. **I**N Authenticæ, quæ incipit, Ut factæ nove Constitutiones, dicuntur constitutiones non valere, nisi post duos menses a promulgatione. Hinc nonnulli apud Farinac. & Pal. putarunt, non solum leges Imperatorias, de quibus ibi eit sermo, sed etiam Constitutiones Pontificias, & Regias, & cujuscunque Principis supremi requirere lapsum duorum mensium a publicatione, ut incipient obligare; Quam opinionem esse communem asserit Martin. Beccan. part. 6. tract. 3. cap. 6. quæst. 7. concluf. 1. Ratio eit, quia ubi jus Canonicum nihil disponit, servandum est jus Civile, si bonis moribus non repugnet; nam in cap. 1. *De novi operis nunciatione* dicitur: *Sicut leges non dedignantur*

tur Sacros Canones imitari, ita Sacrorum Canonum Statuta Principum Constitutionibus adjuvantur. Ex quo argumento deducunt debere etiam leges Pontificias, sicut Imperatorias in singulis Provinciis promulgari, ut obligent; Et utramque opinionem ut probabilem admittunt plures apud Suar. & Sal. disput. 12. sect. 3. & Dian. part. 1. tract. 10. resol. 9.

II. Sed communiter Doctores docent, leges Pontificias statim post promulgationem Romæ factam esse validas; quia Pontifex non auctoratur legibus Civilibus; Idque constat ex usu; Cum enim contentus sit, Bullam Cœnæ in sola Curia Romana publicari, ut velit statim illam obligare, constat nolle acceptare Authenticam illam, tum quoad promulgationem legum in singulis Provinciis faciendam, tum quoad lapsum duorum mensium post promulgationem, ut incipiunt obligare; Immo aliquando voluit Pontifex Bullam aliquam obligare ante duos menses, aliquando ultra duos menses a promulgatione, aliquando statim. Nam in cap. *Cum singula*, de *Præbendis* in 6. dicitur: *Circa eos, qui plures Prioratus, vel Ecclesiæ habent, volumus, ut infra mensem, postquam præsens constitutio ad eosdem pervenerit, unum ex ipsis, quem retinere voluerint, reliquis dimissis, eligere teneantur.* Et Pius IV. anno 1564. in Evulgatione Tridentini trium mentium spatum assignavit post promulgationem ad obligandum; Bulla vero Cœnæ, & alia hujusmodi, quæ non habent determinatum tempus ad obligationem, statim obligant, ex Navar. & Pal.

III. Notavit tamen Pius IV. in Bulla super tempore obligationis Concilii, jure communi sanctum esse, ut constitutiones novæ vim non obtineant, nisi post certum tempus; Unde fit, quod quando in constitutio-

nibus novis non præfigitur tempus determinatum ad obligandum, intentio Pontificis sit, quod non obligent, nisi post tempus, quod prudenter judicio requiritur, ut notitia novæ legis ad communitatem perveniat; Et ideo docuit Suar. ex Cajet, quod si quis per revelationem ante tale tempus notitiam haberet legis iam promulgatae, non teneretur illam servare. Quamvis autem requiratur aliud tempus jure communi, ut obligent leges novæ; tamen Ecclesia non tenetur servare jus Cæsareum, quod scilicet per spatum duorum mensium non obligent; cum possit hoc tempus coarctare, vel dilatare.

IV. Ad rationem in contrarium respondet Pal., acceptari quidem ab Ecclesia leges Civiles, quando nec repugnant rationi, nec adsunt leges Canonicae, quibus tales causæ decidi possunt; hujusmodi enim acceptatio fuit moraliter necessaria; quia nulla aptior regula ad lites decidendas, quam lex civilis, quando lex Canonica deficit. At in modo ferendi leges suas Ecclesia non debuit servare modum præscriptum a legibus Civilibus; immo ex usu constat, talem modum non habuisse servare.

Quod diximus de legibus Pontificiis, dicendum a fortiori de legibus Regis, & alterius supremi Principis, qui leges Imperatorias servare non tenet; ut notant Sal. & Vasq. apud Bonac., liberum quippe est illis in modo ferendi leges, vel nullum tempus requirere ad obligandum post promulgationem, vel aliud spatum, quam duos menses; quamvis non possint transgressores legum puniri, si constet, moraliter non potuisse eam notitiam adhuc ad illos pervenire; Verbi gratia, si feratur Roma lex mense Januario, non potest puniri in Indiis, qui illam transgreditur mense Februario; quia non potuit

tuit intra tam breve tempus illuc de-
venire notitia talis legis. Dixi, *a for-
tiori*, quia non obstat pro legibus Re-
gijis ratio adducta pro legibus Pon-
tificiis. Ratio itaque a priori est,
quia obligatio legis pendet ab inten-
tione Legislatoris; ergo nisi hic ex-
primat, quod nolit obligare, nisi post
duos menses a promulgatione, (ut ex-
plicavit Imperator in illa Authentica)
censetur, quod velit obligare statim.
Ita Suar., Sal., Vasq., & alii contra
Valent., Reginald., Navar., Sà., &
alios probabiliter putantes, quam-
cumque legem sive Imperatoris, si-
ve Papæ, sive Regis, aut alterius Sup-
remi Principis non obligare, nisi
post duos menses a promulgatione:
Si tamen non exprimant se velle sta-
tim obligare; quia, nisi aliud exprimant,
consentur velle leges ferre jux-
ta modum ab Imperatore in Authen-
tica præscriptum, qui est valde ratio-
ni consonus, non solum ut ignoran-
tes non ligentur, sed etiam ut omnes
simil obligari incipient, & sic vietetur
omnis confusio, rixa, & imparitas
subditorum, si alii ante alios obliga-
rentur; Quod si Judices Romæ non
procedant juxta hanc sententiam,
non hinc sequitur, quod sententia ista
careat sua auctoritate, & probabili-
tate.

V. Rogabis primo; Num lapsus duo-
rum mensium post promulgationem
requiratur, ut leges obligent pro fo-
ro externo, an etiam pro interno;
unde qui ante tale tempus haberet
notitiam legis promulgatae, præsertim
Imperatoris, teneretur in conscientia
illam servare.

Respondeo, probabiliorem esse sen-
tentiam Suar. lib. 3. cap. 18., num.
5., quod ante lapsum duorum men-
sium nulla sit obligatio in conscientia;
Cum enim in Authentica, *Ut No-
va Constitutionis*, dicatur, quod
valeant novæ Constitutiones post duos

menses, clare sequitur, quod ante la-
psum hujus temporis nullam vim ha-
beant; unde non obligent in conscientia.

Adde ex Suar., quod lex civilis cum
nolit obligare pro foro externo ante
lapsum duorum mensium, a fortiori
non vult obligare pro foro interno;
quia per se primo intendit obligatio-
nem politicam, & externam, & fol-
lum secundario internam in ordine
ad illam.

Demum, ut diximus ex Bulla Pii
IV., iure communis sanctum est, quod
novæ leges vim non obtineant, nisi
post certum tempus; ergo si vim non
habent, neque obligant in conscientia.

VI. Rogabis secundo; An saltem
requiratur lapsus alicujus temporis
post promulgationem ad valorem le-
gis irritantis aliquem contractum?

Respondeo, leges, ut rationabiliter
fiant, debere aliquod tempus post
promulgationem præfigere, ut incipiant
obligare; aliter essent plena pe-
riculis, ut loquitur Sotus; non essent
utiles Communitat, ut loquitur Sa-
las; essent irrationabiles, ut loquitur
Molina; & videntur aliquo modo pu-
gnare cum jure naturali, ut loquitur
Suar., Nam si, verbi gratia, lex pro-
hibens Matrimonium clandestinum ir-
ritaret matrimonium statim post pro-
mulgationem, multæ Virgines, quæ
ignoranter contraherent, paterentur
grave damnum, si cogerentur deinde
contractum rescindere. Quare licet
aliqua lex irritatoria posset ita ferri,
ut statim obliget, verbi gratia, lex ir-
ritans collationem beneficiorum factam
illegitimis, quia hinc nulli damnum
sequeretur; leges tamen irritatoria
contractus cum damno plurimorum
non debent ita ferri, ut statim obli-
gent; Proinde nisi Pontifex exprimat
tempus, quo velit, ut incipiant obli-
gare, interpretanda est benigne mens

Le-

Legislatoris, quod scilicet velit, ut incipiant obligare statim post promulgationem factam in singulis Provinciis, seu Archiepiscopatibus, vel post lapsum duorum mensium a promulgatione; Nisi quis vellet dicere cum nonnullis, quod saltem ex benigna Legislatoris mente non irritent hujusmodi leges contractus, nisi illorum, qui vel habuerunt, vel humano modo habere potuerunt notitiam talium legum, etiamsi in lege dicatur, quod statim obliget.

VII. Quod dictum est de legibus irritatoriis, dicitur etiam de revocatoriis privilegiorum, & Indulgentiarum, quæ vim non habent, nisi facta sufficienti promulgatione; aliter grave damnum sequeretur, si, verbi gratia, privilegium eligendi Confessarium revocaretur, & lex ista revocatoria haberet effectum suum, antequam posset ad notitiam privilegiati pervenire; Immo quia favores sunt ampliandi, ideo non consentur revocata Privilicia, & Indulgentia, nisi post promulgationem, & insinuationem factam sis, ad quos pertinet.

Similiter quod dictum est de legibus revocatoriis, extendi etiam debet ad revocationes Procuratorum, quæ non habent suum effectum, antequam sint ipsis intimatae, ex leg. *Si mandas fer ff. Mandati;* Unde acta Procuratoris ignorantis suam revocationem sunt valida; excepta celebratione matrimonii, quod debet esse maxime voluntarium, & ideo est irritum, si fiat per Procuratorem ignorantem suam revocationem, ex leg. *Si panitur ff. de ritu nupiarum,* apud Sanch. lib. I. disp. II.

VIII. Notandum tamen hic ex Vasq. quod ad hoc ut revocetur privilegium personæ particulari factum, debeat illi insinuari revocatio; Contra, ut revocetur privilegium factum Communitate, satis sit, quod revocatio innote-

scat ipsi Communitate; Unde si quis, verbi gratia, post promulgationem decreti Tridentini less. 23. cap. 15., quod nemo confiteatur, nisi Sacerdoti approbato, confiteretur Sacerdoti non approbato, confessio esset irrita, quia lex revocatoria consuetudinis satis est, ut promulgetur Communitate. Ex quo etiam Vasq. infert, quod si reservetur de novo aliquis casus, absolutio collata ex ignorantia talis reservationis sit invalida; unde tenetur pœnitens iterum peccatum illud confiteri, si inde sit conscius talis reservationis factæ, & publicatae Communitate, antequam bona fide confiteretur.

IX. Ex hac doctrina resolvitur etiam celebris illa quæstio, An scilicet sicut revocatio privilegii debet innotescere personæ privilegiatae, ut habeat effectum suum, ita prima concessio privilegii debeat etiam innotescere illici, cui conceditur, ut possit illo uti.

Ad quod respondetur affirmative cum communiori apud Sal. disp. 12. sect. 8.; Præsertim, ut advertit Vasq., si privilegium habeat vim dispensationis; Ut si quis petat privilegium contrahendi Matrimonium in gradibus prohibitis, & post obtentam dispensationem contrahat, antequam habeat notitiam certam talis dispensationis, matrimonium sic celebratum esset irritum, nisi aliter constaret de mente Pontificis; Quicquid in contrarium dicat Sal. loc. cit. Ratio est, quia sicut lex debet innotescere Communitate, ut sit valida, ita privilegium debet innotescere, & suo modo promulgari personæ, cui conceditur, ut effectum suum sortiatur.

X. Unde patet disparitas, quod si impedimentum illud tolleretur non per privilegium, seu dispensationem factam persona particulari, sed per legem respicientem Communatem, tunc si persona privata contraheret matrimonium cum tali impedimento igno-

ignorans talem legem ; licet peccaret, valide tamen contraheret ; Ratio est, quia ad valorem legis satis est, ut promulgatio innoteſcat Communatati , seu majori parti Communatatis, non singulis . Contra vero , ad valorem privilegii concessi personæ particulati requiritur, ut illi innoteſcat.

ARTICULUS VI.

De Acceptatione Legis.

- I. *Leges universim ferri solent sub tacita conditione , quod acceptentur.*
- II. *Peccat tamen Communitas, si citra justam causam legem non acceptat.*
- III. *Lex acceptata cessat obligare, si a majori parte Communatatis non observetur. Sed quodnam tempus requiritur ad legem per defuerendum abrogandam?*
- IV. *Num possit Legislator obligare subditos renuentes legem acceptare ? Et quando id posse, aut veli?*
- V. *Quid veniat hac in re nomine Communatatis, a cuius majori parte debet lex acceptari, ut obliget ?*
- VI. *Lex a principio non acceptata, si successu temporis acceptetur, tunc obligat.*

I. **E**st pariter legis conditio, ut sit usu recepta, seu acceptata a majori parte Communatatis; non quasi vero Legislator, & præsertim Pontifex, qui non a Populo, sed a Christo Domino potestatem habet ferendi leges, non possit illas ferre independenter ab acceptatione Communatatis; sed quia universim etiam a Pontifice leges sub hac tacita conditione ferri solent, quod a Communitate acceptentur; id enim videtur consonum benignitati Legislatorum, ne nimis onerosi videantur subditis suis : Unde in leg. de quibus ff. de legibus hac Pars I.

habentur: *Leges nulla alia de causa nos tenent, nisi quod iudicio populi receptæ sunt.* Et idcirco communiter docent, Matrimonium clandestinum esse validum, ubi Tridentinum non est acceptatum; quia lex Tridentini non obligat, ubi non est a majori parte Communatatis acceptata, eo quod Pontifex ex sua benignitate sub ea tacita conditione leges Tridentini tulerit, quod scilicet a majori parte populi acceptarentur.

II. Certum tamen est, quod si subditi legem aliquam sine ulla rationabili causa nollent acceptare, peccarent, ut constat ex propos. 48. damnata ab Alex. VII., quæ dicit: *Populus non peccat, etiam si absque ulla causa non recipiat legem a Principe promulgatam;* Et ideo procul dubio peccarunt primi illi, qui in Gallia leges Tridentini sine rationabili causa acceptare noluerunt. Cum autem nunc non sint ibi acceptatae, & Pontifex nolit, quod obligent, ubi non sunt acceptatae, ideo de facto in Gallia Leges Tridentini non acceptatae non obligant; Et communiter docent, quod ibi Matrimonium clandestinum quamvis esset illicitum, esset tamen validum, nisi lex ista Tridentini fuisset postmodum acceptata iussu Regio jam ab anno 1602., ut habet Leisius in Auctar. V. Sponsalia. Tunc autem dicitur lex aliqua non esse acceptata, seu recepta, quando major pars populi prosequitur facere, quod prius facere conlueverat ante legis promulgationem; idque verum est, siue Populus sciat legem promulgatam esse, siue ignoret, ut notant Suar., Sal., Bonac. & alii communiter: Contra vero dicitur lex acceptata, quando major pars populi illam observat, aut approbat verbo, vel scripto, vel faltem illam non rejicit, aut improbat; Nam lex aliqua potest aliquando non observari, quia non accidit casus; ea tamen

C ob: